

# MB harap kerajaan pusat bina Hospital Maran

NOR KHALILAH GUSTI HASSAN  
6 JULAI 2018



Facebook



Twitter



WhatsApp



Email



More 120



Wan Rosdy (empat kiri) bersama kakitangan Pejabat Pembangunan Persekutuan Negeri Pahang

KUANTAN - Menteri Besar Pahang berharap projek pembinaan Hospital Maran yang dirancang sejak 2009 akan diteruskan Kerajaan Persekutuan.

Datuk Seri Wan Rosdy Wan Ismail berkata, projek tersebut amat bermanfaat kepada lebih 130,000 penduduk daerah Maran dan sekitarnya.

Menurutnya, pembinaan hospital akan menyelesaikan masalah keperluan penduduk daerah Maran yang sebelum ini terpaksa mendapatkan rawatan di hospital lain seperti di Temerloh dan Bandar Pusat Jengka.

"Untuk itu pesakit memerlukan banyak perbelanjaan dari segi jarak dan masa.

"Bagi membina sesebuah hospital melibatkan banyak isu teknikal dan sebagainya. Justeru saya berharap kerajaan pusat akan meneruskan projek yang telah dirancang ini.

"Ia memudahkan penduduk bandar tersebut kerana jarak ke hospital lebih dekat. Bandar Maran berstatus pusat pentadbiran memerlukan hospital moden sebagai pemangkin kepada usaha merancakkan lagi aktiviti ekonomi penduduk," katanya.

Beliau berkata demikian ketika ditemui pada Majlis Sambutan Aidilfitri di Bangunan Persekutuan, di sini, pagi tadi.

Iklan

